



Kristian Jeremiassen
/MAANI

Akileraarutit appartinneqarnerat pillugu § 37 malillugu apeqqutigineqartunut akissut

21-11-2012
Sags nr. 2012-072902
Dok. nr. 1064339

Apeqquaqarninnut matumuuna akissuteqarfingineqartunut qujanaq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

1. Akileraarut 1 procentimik apparneqarpat Naalakkersuisunut ilaasortap ukiumut aningaasat qassit pissarsiarissavai?
2. Akileraarut 1 procentimik apparneqarpat Inatsisartunut ilaasortap ukiumut aningaasat qassit pissarsiarissavai?
3. Akileraarut 1 procentimik apparneqarpat S.I.K. malillugu ullormut 8 tiimit sulisartup ukiumut aningaasat qassit pissarsiarissavai?
4. Akileraarut 1 procentimik apparneqarpat S.I.K. malillugu ullormut 4 tiimit sulisartup ukiumut aningaasat qassit pissarsiarissavai?

AKISSUTIT: Ullumikkut naligiimmik akileraartarpugut, kikkulluunniit isertitat apeqquataatinnagit assigiimmik procentimik akiliisarlutik. Akileraarutit 1 procentimik qaffanneqarpata amerlanerusunik isertitaqartartut koruuninngorlugit aningaasanik amerlanerusunik akiliisalissapput. Taamatorpiaq amerlanerpaanik isertitaqartartut akileraarutit appartinneqarpata koruuninngorlugit pissarsinerusalissapput. Tamatta akileraarutitut procentimik assigiimmik akiliisassagutta amerlanerpaanik isertitaqartartut isertitakinneqarniit koruuninngorlugit amerlanerusunik akiliuteqarfingineqartalissapput.

Tamanna akileraartarnermi qaffakkiaartornerusarnermik, isertitaqqortunerpaat akileraarutitut procentimik qaffasinnerusumik taamaalillunilu akileraarutit amerlanerusunik akiliisalermerannik, eqqussinissamut Inatsisartuni amerlanerusuteqartoqannginnerata kinguneraa.

Toqqarlugit apeqqutigisannut assigiimmik paasineqarsinnaasumik akissuteqarsinnaangilanga, atorfinnimit taaneqartuni tamani ataasiakkaat isertitaat assigiittangimmata. Taamatuttaaq isertitaniit akileraarutit appartinneqarnerat taannaannaatillugu isigineqassanngilaq, akileraartarnerulli allanngortinneqarnerata sinneranut atatillugu isigineqassalluni. Ilaatigut ataasiakkaat ilanngaaseriikkanik pissarsiarisartagaannut apeqquataassaq pineqartoq ernianut aningaasartuuteqartarnersoq.

Nammineq toortaalluni naatsorsuisarfik uaniittoq <https://aka.nanoq.gl/> innersuussutigineqassaaq, tassani kikkulluunniit akileraartarnerup allanngortinneqarnerata sunniutai naatsorsorsinnaammattigit.

Inussiarnersumik inuulluaqqusillunga


Maliina Abelsen